

CONSELLERÍA DE ECONOMÍA E FACENDA

Decreto 34/2006, do 16 de febreiro, polo que se inicia o proceso de disolución e liquidación da Sociedade Anónima de Xestión do Centro Tecnolóxico do Mar.

Mediante o Decreto 265/2004, do 29 de xullo, (*Diario Oficial de Galicia* nº 226, do 19 de novembro), acordouse a creación, ao abeiro do artigo 55.2º do Estatuto de autonomía e de conformidade co sinalado no artigo 45.1º e 3º da Lei 3/1985, do 12 de abril, do patrimonio da Comunidade Autónoma de Galicia, da sociedade pública *Sociedade Anónima de Xestión do Centro Tecnolóxico do Mar*.

A devandita sociedade ten por obxecto a prestación de toda clase de asesoramento e servizos ás persoas tanto físicas como xurídicas e organizacións dedicadas á xestión dos recursos marítimo-pesqueiros, de dereito público ou privado, ben a través de contratos suxeitos ao dereito administrativo como civil ou mercantil, ou a través de convenios de colaboración, así como á participación en proxectos de investigación e formación en materia de cooperación internacional con países terceiros. Todo iso poderao facer, pola súa vez, directamente ou a través da participación noutras sociedades.

Na práctica, a sociedade está inactiva desde a súa constitución, existindo unha duplicidade de funcións e fins coa fundación de nome e obxecto análogo e que é tutelada pola Consellería de Pesca. Deste xeito, a *Sociedade Anónima de Xestión do Centro Tecnolóxico do Mar* atópase na situación prevista no artigo 260.1º.3 do Real decreto lexislativo 1564/1989, do 22 de decembro, polo que se aproba o texto refundido da Lei de sociedades anónimas, de xeito que a sociedade deberá disolverse pola imposibilidade manifesta de realizar o seu fin social.

Xa que logo, consonte todo o exposto, cómpre agora proceder a disolver e liquidar os estatutos da devandita sociedade.

En consecuencia, despois dos informes preceptivos, e de conformidade co disposto no artigo 34 da Lei 1/1983, do 22 de febreiro, reguladora da Xunta e do seu presidente; así como nos artigos 45 e seguintes da Lei 3/1985, do 12 de abril do patrimonio da comunidade autónoma, de acordo igualmente co Real decreto lei 1564/1989, do 22 de decembro, polo que se aproba o texto refundido da Lei de sociedades anónimas e por proposta do conselleiro de Economía e Facenda logo de deliberación do Consello da Xunta de Galicia na súa reunión do día dezaseis de febreiro de dous mil seis,

DISPOÑO:

Artigo único.

Acórdase a disolución, ao abeiro do previsto nos artigos 45 e ss. da Lei 3/1985, do 12 de abril, do patrimonio da Comunidade Autónoma de Galicia,

da sociedade pública *Sociedade Anónima de Xestión do Centro Tecnolóxico do Mar*.

Disposicións derradeiras

Primeira.-Facúltase a Consellería de Economía e Facenda para ditar as normas necesarias para a execución, desenvolvemento e aplicación deste decreto e para a realización de todos os actos precisos para a disolución e liquidación da sociedade pública.

Segunda.-Este decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, dezaseis de febreiro de dous mil seis.

Emilio Pérez Touriño
Presidente

José Ramón Fernández Antonio
Conselleiro de Economía e Facenda

CONSELLERÍA DE EDUCACIÓN E ORDENACIÓN UNIVERSITARIA

Resolución do 22 de febreiro de 2006, da Dirección Xeral de Formación Profesional e Ensinanzas Especiais, pola que se regula o desenvolvemento dos programas de garantía social en centros públicos da Comunidade Autónoma de Galicia para o curso 2006-2007.

A Orde do 5 de maio de 1997 (*Diario Oficial de Galicia* do 29 de maio) regula os programas de garantía social na Comunidade Autónoma de Galicia, coa finalidade de facilitar a reinserción no sistema educativo da xente nova ou ben posibilitar o principio constitucional de acceso a un posto de traballo nas mellores condicións posibles para aqueles que decidan incorporarse á vida activa.

O Plan Galego de Formación Profesional refírese aos programas de garantía social no seu punto 6.2.4 ao propor un plan de reforzo da implantación destes programas.

Deste modo, coa oferta postobrigatoria e profesionalizadora que constitúen os programas de garantía social, o principio educativo de extensión do dereito á educación adquire un maior significado. O seu exercicio en condicións crecentes de calidade é un instrumento para evitar a desigualdade, xa que lle ofrece a este alumnado unha resposta específica que contribúe a potenciar a súa madurez, así como a lograr a autonomía necesaria para operar no seu medio e a adquirir as aprendizaxes básicas. É, pois, unha medida máis de compensación da situación de desvantaxe e de desigualdade de oportunidades que cómpre desenvolver co

fin de evitar a discriminación derivada de factores sociais, culturais, económicos, étnicos ou doutra índole, que lle impide a un determinado alumnado acceder ao ensino en condicións de igualdade.

En virtude do punto décimo terceiro da citada Orde do 5 de maio de 1997, e coa finalidade de desenvolver aqueles aspectos que a completen e permitan levar a cabo os programas de garantía social durante o curso 2006-2007, esta dirección xeral

RESOLVE:

Primeiro.-Destinatarios.

Poderán acceder aos programas de garantía social as persoas menores de 21 anos que, polo menos, cumpran 16 anos no ano natural en que inícien o programa e se atopen nalgunha das seguintes condicións:

a) Estaren escolarizadas no segundo ciclo da educación secundaria obrigatoria e, tendo accedido a un programa de diversificación curricular, a xuízo do equipo educativo que os atende, non estar en condicións de acadar os obxectivos da etapa por esa vía. Excepcionalmente, tamén poderá acceder o alumnado ao que non lle fora posible cursar un programa de diversificación curricular e se atope, a xuízo do equipo educativo, en grave risco de abandono escolar. O acceso aos programas de garantía social realizarase logo da avaliación psicopedagóxica, oídos os alumnos e os seus pais ou titores legais.

b) Estaren desescolarizadas e non posúen titulación académica superior a do graduado escolar ou, tendo acadada esa titulación, carecer do título de formación profesional de primeiro grao.

c) Teren unha oferta dunha empresa para un contrato de formación.

Aquelas empresas que desexen realizar un contrato de formación a persoas que reúnan os requisitos de acceso aos programas de garantía social recollidos nesta resolución acordarán cos centros educativos que impartan estes programas o número de prazas para a área de formación básica e aquelas outras complementarias do programa.

Este alumnado poderase incorporar ao longo da realización destes programas.

Segundo.-Obxectivos.

Os programas de garantía social nas súas distintas modalidades orientaranse á consecución dos obxectivos indicados no punto segundo da Orde do 5 de maio de 1997.

O alumnado que siga os programas de garantía social poderá compatibilizalos coa obtención do título de educación secundaria polo réxime de adultos, cando a compatibilidade de horario o permita.

Así mesmo, poderá realizar as probas libres para a obtención do título de educación secundaria obrigatoria, que convoca a Consellería de Educación e Ordenación Universitaria, sempre e cando reúna os requisitos da convocatoria.

O alumnado que supere un programa de garantía social, aínda que non cumpra o requisito de idade, poderá presentarse ás probas de acceso a ciclos for-

mativos de grao medio que convoca a Consellería de Educación e Ordenación Universitaria, para posibilitar a súa continuación no sistema educativo e a adquisición dunha maior cualificación profesional.

Terceiro.-Constitución de grupos.

Os programas de garantía social desenvolveranse en grupos cun mínimo de 10 alumnos e alumnas e un máximo de 15. En todos os programas poderá participar alumnado con necesidades educativas especiais, e non se poderán incorporar máis de tres alumnos destas características por grupo; de ser así, o número máximo de alumnos que constituirán o grupo reducirase en igual número ao de alumnos integrados. Non obstante, cando existan como mínimo oito alumnos con necesidades educativas especiais que, polas súas características, poidan ter dificultades para se integraren nun programa de garantía social, poderá constituírse un grupo exclusivamente para este colectivo.

Cuarto.-Modalidades de programas.

Os centros educativos públicos poderán acollerse aos programas de garantía social que figuran no anexo I e que responden ás seguintes modalidades:

-Programas de formación educativa e profesional: programas que se desenvolverán integramente nun centro educativo en que se impartan ensinanzas de educación de secundaria, de educación de adultos, de artes plásticas e deseño, e de educación especial.

-Programas de iniciación profesional: programas en que a área de formación básica se desenvolva nun centro educativo dos indicados no punto anterior e a de formación profesional específica en colaboración con entidades da Administración local, con institucións públicas ou privadas sen ánimo de lucro, ou con empresas.

Quinto.-Programa de formación educativa e profesional.

1. Obxectivos da modalidade: ademais dos obxectivos recollidos no punto segundo da Orde do 5 de maio de 1997, a modalidade de formación educativa e profesional considera de forma especial a formación para continuar estudos a través da proba de acceso aos ciclos formativos de grao medio de formación profesional ou para a obtención do título de graduado en ensino secundario obrigatorio.

2. Estrutura e distribución horaria: nesta modalidade, as áreas formativas e a súa distribución horaria para unha semana son as seguintes:

2.1. Área de formación profesional específica: 18 horas semanais.

2.2. Área de formación e orientación laboral: 2 horas semanais.

2.3. Área de formación básica: 8 horas semanais.

2.4. Tutoría: 1 hora semanal.

2.5. Actividades complementarias: 1 hora semanal.

Non obstante, as delegacións provinciais da Consellería de Educación e Ordenación Universitaria, a través do Servizo de Inspección Educativa, poderán autorizar horarios distintos do anterior, sempre que existan razóns que xustifiquen esta modificación.

3. Formación en centros de traballo: complementando a formación impartida no centro educativo e para facilitar a súa inserción laboral, o alumnado poderá facer prácticas en centros de traballo relacionados co perfil profesional do programa. De ser así, o número de horas destinadas a esta formación computarase na área de formación profesional específica. Neste caso a duración máxima será de 150 horas, e será realizada ao final do programa.

Sexto.-Programa de iniciación profesional.

1. Obxectivos da modalidade: ademais dos obxectivos recollidos no punto segundo da Orde do 5 de maio de 1997, os programas de iniciación profesional considerarán de forma especial a orientación para a inserción laboral das persoas, en colaboración con empresarios e axentes sociais en xeral e en conexión con plans de emprego e inserción laboral.

2. Estrutura e distribución horaria: a estrutura desta modalidade de programas implica o desenvolvemento en tres bloques que se indican a continuación. Ademais, os centros poderanse acoller á estrutura horaria que figura nos programas de formación educativa e profesional, ou ben á seguinte:

-Bloque 1. Formación no centro educativo: esta parte terá unha finalidade fundamentalmente motivadora e orientadora e será impartida integramente no centro educativo. Estará estruturada en áreas, cunha distribución horaria que se axustará ao que se indica a continuación para cada unha delas.

2.1. Área de iniciación técnico-profesional: 150 horas (5 horas semanais).

-Formación económica e laboral: 60 horas (2 horas semanais).

-Aproximación ao mundo das profesións e ao contorno produtivo: 60 horas (2 horas semanais).

-Introdución á informática do usuario: 30 horas (1 hora semanal).

2.2. Área de formación e orientación laboral: 60 horas.

2.3. Área de formación básica: 70 horas.

2.4. Tutoría: 60 horas.

2.5. Actividades complementarias: 20 horas.

-Bloque 2. Formación tecnolóxico-práctica: desenvolverase como módulo de formación profesional ocupacional relacionado co perfil do programa, en colaboración con entidades da Administración local ou institucións públicas ou privadas sen ánimo de lucro, ou en empresas coas que previamente se asinen convenios de colaboración. Este bloque terá unha duración de 500 horas.

-Bloque 3. Formación en centros de traballo: complementando a formación práctica do bloque anterior (formación tecnolóxico-práctica) e para facilitar a súa inserción laboral, o alumnado poderá facer prácticas en centros de traballo relacionados co perfil profesional do programa. O número de horas destinadas a este bloque será contabilizado dentro das horas do bloque de formación práctica.

Non obstante, as delegacións provinciais da Consellería de Educación e Ordenación Universitaria, a través

do servizo de Inspección Educativa, poderán autorizar horarios distintos dos citados, sempre que existan razóns que xustifiquen esta modificación.

Sétimo.-Metodoloxía.

A metodoloxía nos programas de garantía social basearase nos principios de:

-Individualización, a través de estratexias diversas que posibiliten unha mellor aprendizaxe dos contidos da área de formación básica. Para iso é imprescindible identificar o nivel de coñecementos previos do alumnado, coa finalidade de deseñar e aplicar as actividades máis axeitadas que faciliten a aprendizaxe, respectando sempre os diferentes ritmos de traballo e tendo en conta que as actividades deben seguir un proceso gradual e secuenciado. Favorecerase que o alumnado empregue as súas propias estratexias para aumentar o seu nivel de autoestima.

-Interdisciplinariedade, coa formulación que se propón como principio na área de formación básica para o alumnado dos programas de garantía social preténdese:

-Desenvolver as capacidades básicas a través do emprego de técnicas de traballo.

-Adquirir contidos de formación básica, evitando así o parcelamento dos seus compoñentes, apoiándose no medio real e conectando as actividades no taller.

En xeral, salvo autorización expresa do servizo de inspección educativa, a área de formación básica non se poderá fragmentar en máis de dous ámbitos (ámbito socio-lingüístico e ámbito científico-matemático), polo que deberá ser impartida por un máximo de dous profesores.

As actividades complementarias serán actividades de tipo cultural, deportivo ou relacionadas co contorno socio-productivo da zona.

Octavo.-Avaliación.

A avaliación do alumnado que participe en programas de garantía social, en calquera das súas modalidades, será continua, individualizada e integradora, coa finalidade de detectar as dificultades no momento en que se produzan, investigar as súas causas e adoptar medidas correctoras oportunas. Para tal fin, o profesorado fará o seguimento e a avaliación da área que imparta, referida a cada un dos alumnos. Terá como referencia os obxectivos e os criterios de avaliación sinalados nas programacións didácticas, así como o grao de madurez acadado, e requirirá a asistencia regular do alumno ou da alumna ás clases e ás actividades programadas para as distintas áreas.

Ao longo do proceso formativo débense considerar os seguintes tipos de avaliación:

-Avaliación inicial: realizarase ao comezo do curso para coñecer o nivel con que accede o alumnado e posibilitar a individualización do proceso de ensino-aprendizaxe, explicitando as adaptacións e os apoios que precise cada alumno ou alumna. Os seus resultados quedarán recollidos no expediente académico.

-Avaliación procesual ou formativa: cómpre que esta avaliación, especialmente ao principio do proceso formativo, valore máis a evolución persoal do alumnado coa aprendizaxe de contidos instrutivos.

-Avaliación final: representa o resultado do seguimento e da avaliación de todo o proceso formativo e dará lugar ás cualificacións das áreas formativas destas ensinanzas.

As cualificacións expresaranse por áreas e globalmente mediante unha escala numérica de un a dez, sen decimais. Son positivas as cualificacións iguais ou superiores a cinco. Nos casos das áreas de formación tecnolóxico-práctica e de formación en centros de traballo, a cualificación expresarase en termos de apto ou non apto. A cualificación desta áreas prácticas será realizada polo profesorado que efectúe o seu seguimento.

As actividades complementarias debido ás súas peculiaridades non serán avaliábeis.

Na avaliación do alumnado con necesidades educativas especiais terase en conta a dita circunstancia, tomando como referencia básica os criterios establecidos na adaptación curricular correspondente. De tratarse dunha adaptación curricular significativa, incorporarase ao seu expediente unha copia da resolución do órgano responsable que a autorice.

Polo menos, celebrarase unha sesión de avaliación parcial cada trimestre lectivo, o que se fará constar na acta correspondente, segundo o modelo do anexo II.

Os centros educativos realizarán a avaliación do alumnado durante o mes de maio, nas datas que permitan a todo aquel alumnado susceptible de presentarse ás probas de acceso aos ciclos de grao medio a súa preinscrición. Para este alumnado os centros educativos seguirán ofertando a formación básica nos horarios programados, ata a celebración das probas. Os alumnos e alumnas que non estean na situación anterior, e aínda que estean avaliados, continuarán o desenvolvemento de programa nas datas previstas inicialmente. O punto anterior quedará recollido no calendario especificado no proxecto curricular do centro.

A superación dun programa de garantía social requirirá a avaliación positiva en todas e cada unha das áreas que o compoñen.

Noveno.-Certificacións, acreditacións e orientación.

1. Ao remate dun programa de garantía social autorizado ao abeiro desta resolución, o alumnado recibirá unha certificación acreditativa del, na que se farán constar as áreas e un resumo dos contidos que as integran, as cualificacións obtidas e o número de horas destinadas a cada unha delas. Este certificado será expedido polo/a secretario/a do centro, co visto e prace do/a director/a (modelo no anexo III).

2. A certificación deberá ir acompañada dunha orientación sobre o futuro académico e profesional do alumno, co obxecto de asesoralo sobre a súa incorporación ao mundo do traballo para o exercicio profesional ou para proseguir ensinanzas, a través do acceso aos ciclos formativos de grao medio. A dita orientación ha preservar o dereito do alumno á confidencialidade e non terá carácter prescricional.

3. A superación dun programa de garantía social halle permitirá ás persoas interesadas concorreren á proba de acceso a ciclos formativos de grao medio.

Décimo.-Formación en centros de traballo (FCT).

O desenvolvemento da FCT realizarase tendo en conta

as especificacións sobre os programas de garantía social recollidas na normativa que dita instrucións para o desenvolvemento de ciclos formativos.

A xestión dos documentos e datos relativos ao desenvolvemento do módulo de FCT, realizarase mediante a utilización da aplicación informática FCT-Xade, subministrada pola Consellería de Educación e Ordenación Universitaria.

Décimo primeiro.-Dereitos e deberes.

Para o alumnado matriculado nos programas de garantía social é de aplicación a normativa pola que se establecen os dereitos e os deberes do alumnado e as normas de convivencia nos institutos de ensino secundario.

Décimo segundo.-Convocatorias.

O alumnado que reúna os requisitos poderá matricularse por unha soa vez nun programa de garantía social. Por norma xeral, o número de convocatorias nun programa de garantía social é dunha. Excepcionalmente, o alumnado que por enfermidade ou outra causa persoal, familiar ou social grave, que ao finalizar o programa non consiga superar os obxectivos, poderá permanecer por un período máximo dun ano nun programa de garantía social desta ou outra modalidade.

A escolarización do alumnado con necesidades educativas especiais nos programas de garantía social poderase aumentar excepcionalmente nun ano escolar respecto do establecido con carácter xeral en centros ordinarios, conforme a Orde do 27 de decembro de 2002 pola que se establecen as condicións e criterios para a escolarización en centros sostidos con fondos públicos do alumnado non universitario con necesidades educativas especiais.

En calquera dos casos a autorización virá dada expresamente pola Dirección Xeral de Formación profesional e Ensinanzas Especiais, logo de informe da Inspección Educativa.

Décimo terceiro.-Inscrición e matrícula.

Para os centros públicos que teñan autorizados programas de garantía social para o curso 2006-2007 establécese o período de inscrición ao longo do mes de xullo, e de matrícula do 1 ao 14 de setembro.

A formalización da matrícula nos centros sostidos con fondos públicos, dependentes da Consellería de Educación e Ordenación Universitaria, quedará condicionada a que haxa un número mínimo de 10 alumnos/as admitidos/as para cada programa de garantía social autorizado, sen prexuízo do recollido no artigo 3º desta resolución en relación ao alumnado con necesidades educativas especiais. A impartición destas ensinanzas cun número menor de alumnos exixirá autorización expresa da Dirección Xeral de Formación Profesional e Ensinanzas Especiais.

Décimo cuarto.-Solicitudes.

Os centros educativos que soliciten impartir un novo programa de garantía social, ou que propoña cambios respecto da oferta xa autorizada, remitirán á inspección educativa un informe no que se fagan constar os perfís profesionais solicitados, as empresas e os alumnos e alumnas susceptibles de cursalos e as programacións

asociadas, incluíndo o calendario a que fai referencia o artigo 8º desta resolución. A data límite de recepción será do día 30 de abril de 2006. A resolución de autorización publicarase no DOG.

Décimo quinto.-Seguimento.

As delegacións provinciais da Consellería de Educación e Ordenación Universitaria, a través dos servizos de Inspección Educativa, realizarán o apoio e o seguimento precisos para a posta en marcha e o desenvolvemento dos programas de garantía social autorizados, considerando as memorias indicadas no punto sétimo e velando pola boa marcha do proceso educativo.

Décimo sexto.-Esta resolución entrará en vigor o mesmo día da súa publicación no *Diario Oficial de Galicia*.

Santiago de Compostela, 22 de febreiro de 2006.

Antonio Vázquez Vázquez
Director xeral de Formación Profesional
e Ensinanzas Especiais

ANEXO I

Catálogo de programas en relación coas familias profesionais

| Familia profesional | Perfil | Código Mod. A/FEP | Código Mod. B/PIP |
|----------------------------------|---|-------------------|-------------------|
| Actividades agrarias. | Operario de actividades forestais. | GF01001 | GF01B01 |
| | Operario de cultivos hortícolas. | GF01002 | GF01B02 |
| | Operario de explotacións agropecuarias. | GF01003 | GF01003 |
| | Operario de viveiros e xardíns. | GF01004 | GF01B04 |
| | Auxiliar de floraría. | GF01005 | GF01B05 |
| Actividades marítimo-pesqueiras. | Operario acuicultor. | GF03001 | GF03B01 |
| | Navegación e pesca costeira. | GF03002 | GF03B02 |
| Administración. | Servizos auxiliares de oficina. | GF04001 | GF04B01 |
| Artes gráficas. | Operario de imprenta rápida e manipulados. | GF05001 | GF05B01 |
| | Auxiliar de infografía. | GF05002 | GF05B02 |
| Comercio e marketing. | Dependente de comercio. | GF06001 | GF06B01 |
| Comunicación, imaxe e son. | Auxiliar de imaxe. | GF07001 | GF07B01 |
| Edificación e obra civil. | Operario de revestimentos lixeiros. | GF08001 | GF08B01 |
| | Operario de albanelaría. | GF08002 | GF08B02 |
| | Operario de carpintaría de obra. | GF08003 | GF08B03 |
| | Pintor-empapelador. | GF08004 | GF08B04 |
| | Xeseiro-escaiolista. | GF08005 | GF08B05 |
| | Operario de pavimentación e colocación de azulexo. | GF08006 | GF08B06 |
| | Operario de cantararía. | GF08007 | GF08B07 |
| | Auxiliar de pintura e decoración. | GF08008 | GF08B08 |
| | Operario de cubrición de edificios. | GF08009 | GF08B09 |
| Electricidade e electrónica. | Instalador electricista. | GF09001 | GF09B01 |
| | Auxiliar de electrónica. | GF09002 | GF09B02 |
| | Operario de instalacións eléctricas de baixa tensión. | GF09003 | GF09B03 |
| | Operario reparador de electrodomésticos. | GF03004 | GF03B04 |

| Familia profesional | Perfil | Código Mod. A/FEP | Código Mod. B/PIP |
|---|--|---------------------|-------------------|
| Fabricación mecánica. | Ferreiro e forxador agrícola. | GF10001 | GF10B01 |
| | Operario de construcións metálicas en aluminio. | GF10002 | GF10B02 |
| | Operario de máquinas e ferramentas. | GF10003 | GF10B03 |
| | Operario de soldadura e as construcións metálicas. | GF10004 | GF10B04 |
| | Operario de soldadura. | GF10005 | GF10B05 |
| | Operario de caldeiraría. | GF10006 | GF10B06 |
| Hostalaría e turismo. | Axudante de coziña e restauración. | GF11001 | GF11B01 |
| | Axudante de coziña. | GF11002 | GF11B02 |
| | Axudante de repostaría e pastelería. | GF11003 | GF11B03 |
| | Operario de panadaría. | GF11006 | GF11B06 |
| | Auxiliar de aloxamento, lenzaría e lavandaría. | GF11004 | GF11B04 |
| | Axudante de servizos de restaurante e bar. | GF11005 | GF11B05 |
| Imaxe persoal. | Auxiliar de perrucaría. | GF12001 | GF12B01 |
| | Auxiliar de estética. | GF12002 | GF12B02 |
| Industrias alimentarias. | Operario de conserveira vexetal. | GF13001 | GF13B01 |
| | Operario de industrias lácteas. | GF13002 | GF13B02 |
| | Operario de carnicaría e chacinaría. | GF13003 | GF13B03 |
| | Operario de industrias conserveiras e semiconserveiras de marisco e peixe. | GF13004 | GF13B04 |
| | Operario de captación, elaboración e envasado de produtos silvestres e ecolóxicos. | GF13005 | GF13B05 |
| Madeira e moble. | Operario de fabricación e instalación de mobles modulares sinxelos. | GF15001 | GF15B01 |
| | Operario de carpintaría de madeira maciza. | GF15002 | GF15B02 |
| | Operario de mecanizado de madeira. | GF15003 | GF15B03 |
| | Operario de carpintaría. | GF15004 | GF15B04 |
| Mantemento de vehículos autopropulsados. | Axudante de mecánica xeral e electricidade do vehículo. | GF16001 | GF16B01 |
| | Axudante de operacións de carrozaría do vehículo. | GF16002 | GF16B02 |
| | Auxiliar de mantemento de motocicletas. | GF16005 | GF16B05 |
| | Axudante de reparación de automóviles. | GF16003 | GF16B03 |
| | Axudante de reparación e mantemento de maquinaria agrícola. | GF16004 | GF16B04 |
| Mantemento e servizos á produción. | Operario de refrixeración e climatización. | GF17001 | GF17B01 |
| | Operario de mantemento básico de edificios. | GF17002 | GF17B02 |
| | Operario de fontanaría. | GF17004 | GF17B04 |
| | Operario de reparación e mantemento de maquinaria de téxtil e confección. | GF17003 | GF17B03 |
| Sanidade. | Auxiliar de puericultura. | GF19001 | GF19B01 |
| Servizos á comunidade e socioculturais. | Auxiliar de axuda no domicilio e residencias asistidas. | GF20001 | GF20B01 |
| Téxtil, confección e pel. | Operario de téxtil e confección. | GF21001 | GF21B01 |
| | Reparador de calzado e marroquinaría. | GF21002 | GF21B02 |
| | Operario maquinista de confección industrial. | GF21003 | GF21B03 |
| | Operario de tapizaría. | GF21004 | GF21B04 |
| | Artes aplicadas á escultura. | Forxador artístico. | GP01001 |
| Artes plásticas aplicadas á indumentaria. | Auxiliar de creación de indumentaria. | GP02001 | GP02B01 |
| Cerámica artística. | Operario de olaría. | GP05001 | GP05B01 |
| Esmaltes artísticos. | Operario de esmalte. | GP13001 | GP13B01 |
| Vidro artístico. | Operario de sopra de vidro. | GP10001 | GP10B01 |
| Vidro e cerámica. | Operario de olaría-cerámica. | GF22001 | GF22B01 |
| Xoiaría de arte. | Operario de técnicas básicas de xoiaría. | GP09001 | GP09B01 |
| | Operario de quincalla. | GP09002 | GP09B02 |

ANEXO II
Acta de avaliación

| | | | | | |
|--------------------------------------|--|--|------------|------------|--|
| Programa de garantía social (perfil) | | | | | |
| Modalidade (tipo) | | | | Avaliación | |
| Data de inicio do programa | | | Grupo | | |
| Centro | | | Localidade | Provincia | |

| Nº | Apelidos e nome | Cualificación por áreas | | | | | |
|----|-----------------|-------------------------|--------|--------|--------|--------|--------|
| | | Área 1 | Área 2 | Área 3 | Área 4 | Área 5 | Área 6 |
| | | | | | | | |
| | | | | | | | |
| | | | | | | | |
| | | | | | | | |
| | | | | | | | |
| | | | | | | | |
| | | | | | | | |
| | | | | | | | |
| | | | | | | | |

Esta acta comprende (1) alumnos/as e remata con (2)
 En, de de

Sinatura do profesorado.

Visto e praxe.

O/a director/a.

(1) Nº de alumnos.

(2) Nome do último alumno.

ANEXO III

D/Dª.....

Secretario/a do centro

Localidade Provincia de

CERTIFICO:

Que D/Dª con DNI nº de expediente..... e natural de, provincia de participou no programa de garantía social, modalidade de, no perfil profesional de por un total de horas, cos tempos e as cualificacións que a continuación se detallan.

| Áreas | Ano académico | Nº de horas | Cualificacións | |
|-------|---------------|-------------|----------------|-------|
| | | | Ord. | Extr. |
| | | | | |
| | | | | |
| | | | | |
| | | | | |

E para que conste e teña efectos onde proceda, por instancia do interesado estendo esta certificación, selada co carimbo deste centro, en, de de

Visto e praxe.

O/a director/a

Asdo.:

O/a secretario/a

Asdo.:

CONSELLERÍA DE CULTURA E DEPORTE

Decreto 35/2006, do 9 de febreiro, polo que se declara ben de interese cultural, coa categoría de monumento, o Pazo de Cadaval-Urzaiz, no concello de Nigrán.

A Dirección Xeral de Patrimonio Cultural, por Resolución do 27 de maio de 2004 (*Diario Oficial de Galicia* do 15 de xuño) incoou expediente para a declaración de ben de interese cultural a favor do Pazo de Cadaval-Urzaiz.

A tramitación do expediente levouse a cabo segundo o establecido na Lei 8/1995, do 30 de outubro, do patrimonio cultural de Galicia, e demais disposicións vixentes.

Tendo en conta o disposto no artigo 12 da Lei 8/1995, do 30 de outubro, do patrimonio cultural de Galicia, por proposta da conselleira de Cultura e Deporte e logo de deliberación do Consello da Xunta de Galicia na súa reunión do día nove de febreiro de dous mil seis,

DISPOÑO:

Artigo 1º

Declarar ben de interese cultural, coa categoría de monumento, o Pazo de Cadaval-Urzaiz, concello de Nigrán, cuxa descrición figura no anexo I da presente disposición.

Artigo 2º

A zona afectada pola declaración é a comprendida na delimitación escrita e no plano recollido no anexo II.

Artigo 3º

O presente decreto será notificado ao Rexistro Xeral de Bens de Interese Cultural do Estado, ao Rexistro de Bens de Interese Cultural de Galicia, ao Concello de Nigrán e aos demais interesados no expediente.

Artigo 4º

O presente decreto será publicado no *Diario Oficial de Galicia* e no *Boletín Oficial del Estado*.

Disposición derradeira

O presente decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, 9 de febreiro de 2006.

Emilio Pérez Touriño
Presidente

Ánxela Bugallo Rodríguez
Conselleira de Cultura e Deporte

ANEXO I

Descrición.

O Pazo de Cadaval é un dos pazos máis sobranceiros da provincia de Pontevedra. Xa no século XIV existía esta construción que en diversas partes da casa presenta escudos e brasóns dos Cadaval, Figueroa, Ozores, Montenegro, Ceta, Correa e Urzaiz.

Conforman o edificio un corredor alongado (a parte máis antiga do pazo) que se une polo costado dereito

ao corpo principal, con planta de tres corpos, un central e dous que se adiantan, situándose entre eles a escalinata principal exenta, construída en 1688, así como a balconada que, bifurcándose, ante a porta de entrada percorre toda a fronte do pazo.

A esta fachada principal únese tamén polo seu costado dereito unha torre de cantaría rematada por ameas, de principios do século XIX, aínda que reconstruída con base nos antigos debuxos en que aparece a casa coa torre.

Integran tamén o conxunto:

-Torreón circular, rematado por ameas, que cumpría posiblemente as funcións de torre-vixía.

-Cruceiro.

-Muralla, rodeando o recinto, na cal se abren dous portóns, un de acceso ao patio de honra ante a fachada principal, cun brasón coas armas dos Urzaiz sobre o lintel.

-A capela, posiblemente anterior a 1655. Non ocupa o seu lugar orixinal. De planta rectangular e pequeno tamaño está executada en perpiaño. No seu frontispicio ábrese un arco de medio punto e unha fenestrela cuadrangular, rodeados ambos por unha moldura plana e lisa. Enmarcan a fachada dúas pilastras enfrontadas rematadas por pináculos piramidais.

Cabe destacar na capela como bens mobles:

*Pequeno retábulo de factura moderna de finais do século XIX ou principios do XX, policromado en branco con remates dourados, dedicado á Virxe do Carme.

*Tallas barrocas policromadas de moi boa factura: A Virxe do Carme, San Xosé co Neno, Santo Antón e dous santos máis sen identificar.

-Conxunto axardinado, formado por catro recintos entre os que sobresaie o xardín sur, tanto pola súa maior extensión como pola súa antigüidade (mediados do século XIX), así como polo orixinal da súa traza.

Delimitación escrita.

O contorno de protección do Pazo de Cadaval-Urzaiz de Nigrán (Pontevedra) queda definido pola liña que une os puntos 1-2-3-4-5-6-7, estando o punto 1 situado na estrada 550 de Pontevedra a Camposancos, fronte á entrada do Clube Náutico de Vigo e do restaurante-asador Los Abetos.

1-2: Liña recta, en dirección SE ata a enrucillada do camiño que vai a Priegue e mailo camiño que baixa a Grolos.

2-3: Tramo do camiño que vai a Priegue, baixando ata o lavadoiro na pista de ascenso a San Román.

3-4: Tramo do camiño que baixa polo Camiño de Piñeiro, coincidindo co regato, ata a estrada de Panxón a Vincios.

4-5: Liña recta ata o extremo SE do predio do Pazo de Cadaval continuando pola pista cara ao sur uns 100 metros.

5-6: Pista que en dirección oeste pasa por detrás do Pazo de Cadaval (Camiño do Xurdán) e sae á estrada de Panxón a Vincios á altura do acceso á igrexa das Angustias.

6-7: Camiño de subida á estrada C-550 que pasa por diante da igrexa das Angustias.

7-1: Tramo da estrada C-550 de Pontevedra a Camposancos, en dirección norte ata pechar a delimitación.